



# Midadas dal terren agricul

Fegl d'infurmaziun  
per la procedura EOZ

14 da favrer 2013  
(stadi: 30 da settember 2020)

## Premissas

### Basegn agricul


Ina midada dal terren po da princip vegnir permessa mo, sch'ella serva a l'agricultura resp. sch'il basegn agricul è cumprovà.

### Utilisaziun

Betg mintga midada dal terren n'è eguala. L'apport da material da terren bun e cunzunt adattà per meglierar l'utilisabladad dal terren agricul vegn designà sco utilisaziun. Questa utilisaziun agricula po servir sco meglieraziun dal terren u sco meglieraziun da la cultivaziun. Sch'i na sa tracta betg d'ina utilisaziun agricula, sto ina midada dal terren vegnir considerada sco deponia resp. sco dismessa da material. Da princip na vegn ina deponia betg permessa – il material sto vegnir transportà sin ina deponia dal tip A u B ordinaria da material inert.


### Meglieraziun da la cultivaziun

En quest cas vegn la cultivaziun meglierada cun gulivar foss e foppas sco er scarpas stippas. Er qua sto il material apportà esser «adattà». Meglieraziuns da la cultivaziun pon dentant er vegnir realisadas cun gulivar il terren senza apportar material.



### Meglieraziuns dal terren


En il segund cas vegn la stresa dal terren engrondida cun apportar material da stgavament adattà. Tras quai po vegnir augmentà il potenzial da rendita. A medem temp vegn en tscherts cas er augmentada la cultivabladad, damai che main crappa vegn manada a la surfatscha tar la transformaziun d'ina stresa superiura guliva.



### Material adattà

Il nov material sto corrispunder a la finamira da meglieraziun. La composizion da quel sto esser sumeglianta a quella dal terren existent. Medemamain problematica po esser la contaminaziun dal material cun substanzas estras e nuschaivlas. Sch'il material apportà cuntegna p.ex. valurs d'arom cleramain differentas, n'è quel betg adattà per in'utilisaziun. Per pudair cumprovar ch'i na sa tracta da material adattà, dovri in'expertisa dal terren; quest servetsch vegn purschì dal Plantahof.

Profil dal terren	Caracteristicas
Stressa	terratsch, gronda cumpart da substanzas organicas (humus); spazi da viver per numerosi organismi dal terren.
orizont A stressa superiura	orizont B stressa inferiura
orizont C sutterren	grip dischagregà en differenta granulazion; concentraziun da humus reducida; strussch organismi dal terren.



UST tenor: M.K. Chasa editura per medis d'instruziun e d'emprender ScR&Co. KG, Heinsberg

## Mesiras maximalas

Ordaifer la zona da construcziun na dovri nagina permissiun per midadas dal terren fin  $100\text{ m}^3$ , sche talas adempleschan ils criteris per ina permissiun, che vegnan numnads qua. Tut ils fatgs en chaussa – saja quai cun u senza appurtar material – ston vegnir giuditgads en la procedura EOZ (edifizis e stabiliments ordaifer las zones da construcziun). En la procedura EOZ pon vegnir permessas utilisaziuns da material cun in volumen da fin  $10\,000\text{ m}^3$  cun in'autezza da l'emplenida da maximalmain 1 m. En cas da foss u da foppas è l'autezza maximala excepzionalmain 2 m. Sch'ina da questas mesiras maximalas vegn surpassada, dovri stringentamain ina planisaziun d'utilisaziun. A partir d'ina surfatscha da  $2000\text{ m}^2$  sto vegnir fatga in'expertisa dal terren per sclerir, sch'il material è adattà (fritgaivladad dal terren).

## Documents da dumonda

En la procedura EOZ ston vegnir inoltrads stringentamain ils sustants documents:

- | formulars EOZ ([formular principal](#) e [formular C](#))
- | plan da situaziun cun cunfinaziun da las surfatschas pertutgadas
- | tagls longitudinals e traversals da las surfatschas topograficas vertentas
- | tagls longitudinals e traversals da las surfatschas topograficas futuras
- | expertisa dal terren en cas da meglieraziuns dal terren ed en cas da meglieraziuns da la cultivaziun da passa  $2000\text{ m}^2$
- | en cas da midadas dal terren da passa  $50\text{ m}^3$  e/u  $200\text{ m}^2$  sto vegnir agiuntà [il formular d'annunzia per midadas dal terren](#) da l'uffizi per la natira e l'ambient (UNA)
- | en il cas singul pon esser necessarias ulteriuras infurmaziuns.

## Accumpagnament ecologic da construcziun

La consultaziun d'in accumpagnament ecologic da construcziun (AEC) è sa mussada sco raschunaivla ed è s'establida. L'incumbensa dal AEC è quella da garantir la realisaziun da las lavurs e la cultivaziun posteriura en moda professiunala, vul dir en ina moda che schanegia il terren. El serva pia a la garanzia da qualitat. Il Plantahof porscha in AEC. Er differents purschiders privats pon surpigliar questa incumbensa ([www.soil.ch](http://www.soil.ch)).

Per pudair garantir in andament senza disturbis ed ina realisaziun effectiva, èsi impurtant da consultar uschè baud sco pussaivel in AEC. En il cas ideal duess el vegnir consultà già tar l'elavuraziun da la dumonda EOZ, cunquai che l'expertisa dal terren vegn fatga per regla dal AEC.

## Persunas da contact

### Uffizi per il svilup dal territori (UST)

e-mail: [info@are.gr.ch](mailto:info@are.gr.ch)  
telefon: 081 257 23 23  
[www.are.gr.ch](http://www.are.gr.ch)

### Cussegliaziuns cumplessivas porscha il Plantahof

e-mail: [info@plantahof.gr.ch](mailto:info@plantahof.gr.ch)  
telefon: 081 257 60 00  
[www.plantahof.ch](http://www.plantahof.ch)